

Ո Ր Ո Շ ՈՒ Մ
Արգելադրված գույքը հարկադիր էլեկտրոնային
աճուրդով իրացնելու մասին

06.04.2018թ.

ք.Երևան

Հարկադիր կատարումն ապահովող ծառայության Երևան քաղաքի Աջափնյակ և Դավթաշեն բաժնի ավագ հարկադիր կատարող, արդարադատության ավագ լեյտենանտ Սուրեն Հովհաննիսյանս, ուսումնասիրելով 19.06.2017թ-ին վերսկսված թիվ 00825942, 00825827 և 00825909 և կատարողական վարույթների նյութերը.

Պ Ա Ր Զ Ե Ց Ի

ՀՀ Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանի կողմից 20.02.2017թ-ին տրված թիվ ԵԱԴԴ/3838/02/14 կատարողական թերթի համաձայն պետք է՝ Հայկ Մետրոպոլիտենի, Հովիկ մետրոպոլիտենի, Կարինե Այգունյանից համապատասխան հոգուր «Պրոկուրորի բանկ» ՓԲ ընկերության բռնագանձել 7.946.585 ՀՀ դրամ, և հաշվեգրվող տոկոսներ, ինչպես նաև՝ 158.932 ՀՀ դրամ, որպես հայցվորի կողմից նախապես վճարված պետական տուրքի գումար:

Բռնագանձումը պետք է տարածել գրավի առարկա՝ LINCOLN TOWN CAR 4.6 մակնիշի (ինդիֆիկացիան համար՝ 1L1FM81W7YY857328, տեխանձնագրի համար՝ SB864416, պետհամարանիշ՝ 32 OU 331, թափք՝ լիմուզին, գույն՝ սպիտակ, թողարկման տարեթիվ՝ 2000, սեփականության վկայականի համար՝ 01AA864416, սեփականության վկայականի տրման ամսաթիվ՝ 18.04.2013 թ-ն, տեխ. Անձնագրի տրման ամսաթիվ՝ 18.04.2013թ.) և CHRYSLER 300M մակնիշի (ինդիֆիկացիան համար՝ 2C3HE66G7XH501926, տեխանձնագրի համար՝ SD081560, պետհամարանիշ՝ 18 UU 841, թափք՝ սեդան, շարժիչ՝ XH501926 գույն՝ սև մետաղիկ, թողարկման տարեթիվ՝ 1998, սեփականության վկայականի համար՝ 03AA030843, սեփականության վկայականի տրման ամսաթիվ՝ 23.02.2012 թ-ն, տեխ. Անձնագրի տրման ամսաթիվ՝ 22.11.2009թ.) ավտոմեքենաների վրա:

Պարտապանից բռնագանձել հոգուր հայցվորի բռնագանձման ենթակա գումարի հինգ տոկոսը, որպես կատարողական գործողությունների կատարման ծախս:

ՀՀ ԱՆ ԴԱՀԿ ապահովող ծառայություն է մուրքագրվել փորձագետի եզրակացությունը համաձայն որի LINCOLN TOWN CAR 4.6 մակնիշի, 32 OU 331 պետհամարանիշի տրանսպորտային միջոցի շուկայական արժեքը կազմում է 3.000.000 ՀՀ դրամ:

ՀՀ ԱՆ ԴԱՀԿ ապահովող ծառայություն է մուրքագրվել փորձագետի եզրակացությունը համաձայն որի CHRYSLER 300M մակնիշի, 18 UU 841 պետհամարանիշի տրանսպորտային միջոցի շուկայական արժեքը կազմում է 900.000 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան Հովիկ Տիգրանի Մետրոպոլիտենի սեփականության իրավունքով պատկանող, ներքոհիշյալ գույքը

Հ/Հ	Լուրի անվանումը նկարագիրը	գնահատման գինը	Մեկնար-կային գինը (75%)	գույքի անակը
1	2	3	4	5
1.	Մակնիշը՝ «CHRYSLER 300M պետհամարանիշ՝ 18 UU 841 նույնականացման համար՝ 2C3HE66G7XH501926, 1998 թ-ի արտադրության	900.000 ՀՀ դրամ	675.000 ՀՀ դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkad.ir.achur.am միջոցով: Հարկադիր էլեկտրոնային աճուրդի սկիզբը՝ 30.05.2018 թ-ին:

Որոշման պատճենը ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:



«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված դեպքերի:

Ավագ հարկադիր կատարող

Արդարադատության ավագ լեյտենանտ

Ս.Հովհաննիսյան



Ծ Ա Ն Ո Թ ՈՒ Թ Յ ՈՒ Ն Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: